

Ti presento a unos amigos

Daniele: Salude! Ti presento a unos amigos mios: isse si narat Elias e est infermieri. Deo e Elias traballamus in s'ispidale de Tàtari.

Elias: salude!

Daniele: issa si narat Soliana. Soliana est de Bosa e traballat comente cameriera in unu tzilleri. Finas deo e Soliana semus amigos.

Soliana: Salude, coment'istas?

Daniele: issos si narant Migali e Pedru, sunt de Nùgoro però bivent in Casteddu. Migali e Pedru sunt artistas.

Migali e Pedru: praghene meda.

Daniele: issas sunt Sandra e Mònica e sunt istudiantes de Economia in s'Universidade de Casteddu.

Sandra e Mònica: Salude!

Fèmina singulare: issa

Fèmina plurare: issas

Mascru singulare: isse

Mascru plurare: issos

grupos de bator. Onni istudiante iscrit in unu pabidu sa pròpia natzionalidade, professione, tzitade de residèntzia e si imbentat unu nùmene sardu. Unu de su grupu leat unu pabiru e presentat sa persone. Sos àteros depent nàrrere chie est.

es.

Mi naro Soliana

So de Olomouc

Però bivo in Brno
so istudiante de frantzesu

presentatzione:

issa si narat Soliana, est de Olomouc però bivet in Brno. Istudiat
frantzesu.

Coment'istas
(in su trenu)

Daniele: Salude! A mi potzo sèdere umpare a bois?

Frantziscu: tzertu! b'at logu meda inoghe!

Daniele: bois seis de Aristanis no?

Roberta: eja! E comente l'ischis? Finas tue ses campidanesu?

Daniele: eja!

Frantziscu: ite cosa bella! E tue ite ti naras?

Daniele: deo mi naro Daniele, e bois comente bos narades?

Roberta: su nùmene meu est Roberta

frantziscu: su meu est Frantziscu.

Daniele: in ue bivides? In Aristanis?

Frantziscu: no! Semus campidanesos però semus andende a Turre
Manna a su mare. E tue in ue bives?

Daniele: deo bivo e traballo in Aristanis però m'apo leadu sas fèrias in
custas dies.

Frantziscu: bene meda, tando nos bidimus in Turre Manna pro nos
bufare una birra?

Soliana: eja, pro praghene lassa·nos su nùmeru tuo chi ti telefonamus prus a tardu pro nos fàghere una ispassigiada.

Daniele: bene meda! Como su nùmeru meu non mi l'ammento però si cherides, podimus atobiare a sa pratza printzipale ca tantu Turre Manna est una bidde minore.

Soliana: bene meda! A luego

Frantziscu: A luego!

Sos nùmeros

1	2	3	4	5	6	7	8	9
unu	duas/duos	tres	bator	chimbe	ses	sete	oto	noe

nùmeros ùtiles: politzia, ambulàntzia, ispidale, universidade, personales.

Forma sas frases segundu s'òrdine

Su taxista s'infermieri/a su pastore su paneteri s'istudiante su professore su massaju	Curat a sos patzientes traballat sa terra est coghende su pane est truvende sas arveghe guidat unu taxi andat a s'ispidale faeddat de istòria
--	---

Pònnere in òrdine sas natzionalidades e a su femininu:

Cèchia	Ispanniolu
Polònia	frantzesu
Rùssia	indianu
Danimarca	olandesu
Olanda	sardu
Fràntzia	cecu
Cànada	polacu
Italia	catalanu
Ispànnia	bascu
Sardigna	isvìtzeru
Catalùnnia	russo
Cina	canadesu
Paisos Bascos	bascu
Isvìtzera	indianu
Ìndia	cinesu

Pònnere a su plurale sas paràulas chi sighint

Massaju	tedescu
artista	ispanniolu
sardu	paneteri
istudiante	infermieri
professore	camerieri
tècnicu	inglesu

Sos agetivos possessivos
singulare

1° persone	2° persone	3° persone
meu/mea	tuo/tua	suo/sua

Si ponent a sa fine de sa frase. Es: “sa vida mea”; “sa domo mea”

iscurta sa cantzone de sos tazenda: domo mea

Como deo
So inoghe
Oe deo
So sena rios

Eros: Antigos ispìritos, umbras...
Eros: Parent chi benint a mie

Ti chèrgio donare su samben
eros: È la vita mia
Ti chèrgio leare, oh...

E t'amo, e t'amo, ses sa vida mea
Eros: Ogni cosa tua
E t'amo, e t'amo, oh...

Arcanos libros in domo mea
Eros: Sento le parole tue

Ti chèrgio donare su samben
Eros: E' la vita mia
Ti chèrgio ninnare, oh...

E t'amo, e t'amo, ses sa vida mea
Eros: Ogni nota tua
E t'amo, e t'amo, oh...

Anche se non è più casa mia
Eros: Sento le tue melodie

Pone·mi·la un'idea
In sa manu, in su coro

Cantu t'apo intesu mea
Cando in pitzinnia sa chiterra de Cabitza e sos
cantos de Zizi e Pazola iscurtaia
Cantu t'apo intesu mea
Cando in Logudoro dillos de su coro e ballos dae sa
boghe de Maria
Cantu t'apo intesu mea
Cando fia in sa cavalcada in protzessione sos
costumes de sos sardos cun tiu Barore
Sos cadditos de sa jara...su turrone de Tonara...
"Barones sa tirannia" libera sa gente tua
Est pigada a messa tudda cando piero t'at giamada:
"mere manna mere mea"

Cantu t'apo intesu mea

Sèculos de mamutones e issocadores a Mamoiada
deo bi fia

Cantu t'apo intesu mia suta a sos murales cantos a
tenore In sa Barbàgia murra bella giogat sa luna cun
su sole

Cantu pane carasau e fatu fatu cannonau dae su
casu de su pastore sas seadas leant colore

In su mare de Muravera sas launeddas sonant totu
umpare a trullallera

torra: terra mia...tue ses mea...festas de Gaddura
Campidanu e Baronia...

Domo mea...tue ses mea...che un isteddu in custu
chelu marailliosa...

mama de s'isposa

miraculosa

marailliosa.

Intrende in domo

Caderina: Salude!

Antoni: Salude Caderina!

Caderina: Coment'istas?

Antoni: deo isto bene, e tue?

Caderina: finas deo isto bene.

Antoni: est sa prima borta chi intro in domo tua.

Caderina: est beru! Est sa prima borta!

Antoni: ite domo manna e bella chi tenes!

Caderina: amus fatu sacrificzios meda cun maridu meu!

Antoni: cumprendo chi no est fàtzile pro nudda.

Caderina: intra chi ti fatzo bìdere sa domo...

Caderina: inoghe a manca b'est su salone

Antoni: cessu! Ite bellu!

Caderina: amus restauradu finas custas cadreas antigas!

Antoni: las so bidende chi sunt antigas meda! Mi praghent meda!

Caderina: b'est finas sa mesa antiga de su jaju de maridu meu.

Antoni: issu! Cun sa linna tota traballada a manu!

Caderina: intra inoghe in sa coghina!

Antoni: ite logu bellu pro coghinare... e mandigare... e bufare! Una bellesa ùnica!

Caderina: inoghe bi sunt sos furreddos! inoghe ponimus sas furchetas, sos burteddos, sos cuciares e sos cuciarinos.

Antoni: e sas padeddas in ue sunt?

Caderina: sas padeddas, sos padeddones, frijolos sunt a s'àtera parte, umpare a totu su màndigu.

Antoni: est una coghina organizada bene meda!

Caderina: sa cosa chi mi praghet de prus est chi amus un'istufa a linna in ue caentamus su màndigu o s'abba pro sos macarrones o su brou.

Antoni: faghende gasi, podes finas aorrare su gas o s'eletrizidade!

Caderina: eja! Est impressionante cantu podet fàghere un'istufa a linna!

Antoni: giai lu creo!

Caderina: inoghe b'at una mesa tunda pro istare tota sa famiglia

Antoni: as rejone! est mègius tunda chi retangulare.

Caderina: beni inoghe chi ti fatzo bìdere sos aposentos

Antoni: andat bene!

Caderina: inoghe b'est cussu de sos pitzinnos cun duos letos separados, duos comodinos e sa mesa pro sa computadora.

Antoni: m'agradat meda sa dispositzione de sos letos e su colore chi ais dadu a sos muros.

Caderina: custu est s'aposentu nostru cun unu letu matrimoniale...

Caderina: beni como chi ti fatzo bìdere su panorama chi bidimus dae sas ventanas...

Antoni: eja! So curiosu meda de bìdere su panorama!

Caderina: cussu a destra est su "Monte Ruju", a manca b'est Casteddu Sardu e in cue, a dae in antis, b'est su lagu Coghinas!

Antoni: seis postos in una zona de una bellesa ùnica!

-----PÀUSA-----

localizare ogetos. Su verbu èssere

A. *in ue est sa coghina?*

B. est	<i>in fundu a...</i>	<i>s'aposentu</i>
	<i>a manca de...</i>	
	<i>a curtzu a...</i>	
	<i>a destra de...</i>	

19-11-2012

Dies de sa chida

Lunis	die de sa luna
Martis	die de marte
Mèrcuris	die de mercùriu
Giòbia	die de giove
Chenàbura	chena+pura (dae su ritu ebràicu e cristianu ue non si depiat mandigare petza.
Sàbadu	dae s'ebr. Shabath (die de discansu)
Domìniga	die de su senniore.

Localizare ogetos

in fundu a....
a manca de...
a curtzu a...
a destra de...
in artu a...
suta sa/su/sos/sas...
subra su/sa/sos/sas...

pro praghère a podes nàrrere in ue est:

fotos.

Descrìe una domo!

Apo una domo:

antiga

manna

bella

bècia

tranchilla

frita

noa

moderna

barata

minore

fea

caente

cara

-Pedru: Salude Maria!

-Maria: Salude Pedru!

-Pedru: Coment'istas?

-Maria: Deo bene e tue?

-Pedru: Deo isto bastante bene gràtzias...

-Maria: apo ischidu chi t'as comporadu una domo
noa

-Pedru: Eja, est manna ca est a foras de sa tzitade e
tranchilla ca non passant màchinas e duncas
non b'at tràficu

-Maria: ite cosa bella chi mi ses narende!

-Pedru: como potzo bìvere in cue cun tota sa famiglia
mea

-Maria: e cantas istàntzias tenet domo tua?

-Pedru: sa domo tenet tres aposentos: unu
matrimoniale, unu pro sos pitzinnos e s'àteru
pro sos istràngios.

-Maria: so curiosa de bènnere a domo tua pro la
bìdere

-Pedru: intrende b'at unu salone mannu e in fundu
b'at una coghina cun unu bànniu

-Maria: e pro la caentare ite ais postu?

- Pedru: amus postu un'istufa a linna e un'àtera a pellet. Cun cussa a linna caentamus sos termosifones e cun cussa a pellet caentamus s'abba pro sa dòcia etc.
- Maria: bos seis organizados comente Deus cumandat!
- Pedru: e non solu! Amus comporadu finas unu cunditzionadore pro cando caentat in istiu
- Maria: ehh! B'at dies chi non si podet aguantare!
- Pedru: eja, as/tenes rejone!
- Maria: e su giardinu chi b'est fora?
- Pedru: cussu a pagu a pagu l'acontzamus ca nos agradat a mandigare fora cun sos gatos e sos canes
- Maria: e tando, custa cheret bufada!
- Pedru: eja! Brindamus! Ite ti potzo cumbidare? Ite gana as de bufare? Birra, binu... apo finas unu licore de murta...unu licore de nughe bonu meda!
- Maria: cantas cosas bonas chi as!
- Pedru: las faghet connadu meu umpare a su fìgiu...
- Maria: mi cumbidas unu binu nieddu e deo so cuntenta
- Pedru: custu est unu cannonau de s'annu passadu
- Maria: giai si bidet a ogru chi est nieddu
- Pedru: e tando a chent'annos!
- Maria: a chent'annos e cun salute.

SU CALENDÀRIU

Unu **calendàriu** est una manera de calculare sas dies, sas chidas, sos meses, sas festas chi capitant in s'annu.

Ghennàrgiu

Freàrgiu

Martzu

Abrile

Maju

Làmpadas

Trìulas

Austu

Cabidanni

Santugaine

Santandria

Nadale